



Cun s'amparu de su **COMUNU de SÌNNIA**  
e su  
**PORTALITU DE SA LÌNGUA SARDA**  
de sa Provincia de Casteddu  
Su sòtziu culturali Legambiente **"SU TZINNÌBIRI"**  
e **"Sa domu de sa cantada"** - Sinnia  
impari a is sòtzius  
**"CASA COSSU"** - Quartùciu  
**"SA DOMU 'E SU CANTU"** - Sinnia  
**"SU FRAMENTU"** - Quartu Sant'Aleni  
ghetant su bandu e aprontant  
sa **1° EDITZIONI** de sa  
**GARA DE POESIA IMPROVISADA CAMPIDANESA**  
**"SU CANTU DE SEI"**



po custodiai e avalorai **"SU MUTETU"** campidanesu e sa **LÌNGUA SARDA**, sinnu, liòngiu e fermentu de s'identidadi nosta.

#### REGULAMENTU

1) Sa gara est oberta a cantadoris mascus e fèminas de calisiat edadi, siant "diletantis" o "professionistas". S'idea est de favoressi, prus de totu, is cantadoris giòvunus po chi potzant, cun s'agiudu e sa connoscèntzia de is cantadoris prus mannus, sighiri a onorai su cantu nodiu campidanesu.

2) Fait a pigai parti a duas setzionis:

**MUTETU LONGU:** de cantai ponendi in fatu "sa regula poetica" cun sa sterrina assumancu de otu peis.  
**MUTETU A DUUS PEIS.**

Dònnia cantadori podit scerai s'una o s'atra o totu e duas setzionis.

3) Su Comitau at a donai su tema de sa "Cantada" o "Versada" solu innantis de incumentzai sa gara. S'ordini de incumentzu s'at a stabiliri tirendi a sorti.

Sa "Cantada" at a essi' de 3 girus, e sa "Versada" de ses girus.  
A dònnia gara ant a pigai parti 4 cantadoris, o 3 (su prus pagu)

4) Sa Giuria at a essi' formada de genti chi ndi scit e ndi cumprèndit de cantadas. Sa giuria at a intèndi puru su parri de una giuria populari.

Su nòmini de is giuraus s'at a connosci solu a pustis de sa premiatzioni.

Nemus podit arrefudai o storrai su giudìtziu de sa Giuria.

5) Po bogai a luxi is camineras sinnadas de "**Is cantadoris mannus**" e po no scaresci s'imparu de sabiesa, cultura, lingua e poesia chi s'ant intregau, su Comitau e sa Giuria ant a apretziai su cantadori faendi contu de custas arregulas chi de sempri funt stètiyas sa forma e impari sa sustàntzia de su "**Mutetu**":

**A) Arrespetu de sa RIMA**

**B) Arrespetu de sa MÈTRICA**

Po cantu fait, is versus depint tenni sa pròpiu longaria. Depint essi', duncas, **sagiaus**(metricaus), comentì narànt is antigus.

**C) Imperu de su SUSPU(Metafora)** - Su **suspu**, prus est strintu e serrau, prus tenit valori, e si est beni cosiu no bàliat e non amitit ne fuèddus malus ne s'ofesa personali.

**D) Liòngiu tra su TEMA e s'argumentau.**

**E) Su TRÀGIU**: boxi, stili e portamentu.

**F) Imperu e manìgiu de sa LÌNGUA SARDA.**

Lassendi foras cantu prus fait s'imperu de italianismus, ca candu est tropu strupiat e boccit su versu e sa Lingua etotu.

Su primu classificau de dònna setzioni at a arriciri una **Prenda in oru** chi afigurat su sìmbulu de su "Cantu de sei".

- A su cantadori giòvunu chi s'at a fai prus onori at andai unu "**Prèmiu speciali**"

A su de duus, a su de tres e a su de cuatru de dònna setzioni: traballus e benis prodùsius de artisanus de su territoriu. Su Comitau, a segundu de su chi nc'at in càscia, tenit idea de donai unu prèmiu a totus is cantadoris chi ant a pigai parti a sa gara.

6) Po pigai parti tocat a frmai sa domanda chi depit lompi' aintu **de su 25 de su mesi de Lampadas 2011**

**O PO POSTA** - a "Su Tzinnìbiri" Bia Marconi 62 -09048 - Sinnia

**O PO E-MAIL** gpinneddu@libero.it - carmamigoni@libero.it—atzeri58@tiscali.it

**O PO TELEFONU** 070 -766249 **Cell.** 3687717829—3284799911, chi serbint po si prenotai a sa gara e arriciri calisiat informatzioni.

Su Regolamentu podit essi' bistu e scarrigau de su giassu eletrònicu **www.luigiladu.it - www.legambientesardegna.com-sportlimbasarda@unica.it - serviziisport@comune.sinnai.ca.it**

o arretirau a manu in s'Ufficiu **URP, in su Comune de Sinnia.**

**Su 1° de su mesi de ARGIOLAS a is seti de a meri, in sa sedi de su Circulu "Su Tzinnìbiri" "Sa domu de sa cantada" in sa Pratzza de Santu 'Sidoru de Sinnia, ant a essi' presentaus totus is partecipantis.**

**A segunda de su nùmuru s'ant a stabiliri sa data de is garas. De dònna gara s'at a scerai su 1° e 2° classificau chi s'ant atobiai a pari cun is atrus finalistas, finas a lompi a su scioberu de is 4 cantadoris chi ant a ndai a sa finali de dònna setzioni.**

**Sa presentada at a essi' afestada de cantus de sa traditzioni.**

7) Sa primu gara, chi s'at a fai una cida a pustis, **s'otu de de su mesi de Argiolas**, at a essi' oberta de is cantadoris prus giòvunus.

8) Is garas s'ant a podi fai puru in Quartu Sant'Aleni e Quartùciu.

**Saludaus torrendi grazias a totu is chi s'ant a fai s'onori mannu de pretziri impari su gosu de sa festa.**

**PO PIGAI PARTI A SA GARA  
TOCAT A SCRIRI**

Nomini e sangunau.....  
Nàsciu/a .....su.....Prov.....  
Bivit in .....CAP.....Prov.....  
Bia/Pratza.....  
Tel.....Cell.....  
E-mail.....

**Fait domanda**

**A su Presidenti  
de su Sòtziu ambientali “Su Tzinnibiri”  
Bia Marconi, n.62  
09048 - SÌNNIA**

de pigai parti a sa gara de poesia improvisada “ **SU CANTU DE SEI**” aprontada de su sòtziu Legambiente “**Su Tzinnibiri**” e “**Sa domu de sa cantada**” –Sinnia , cun s’amparu de su **COMUNU DE SÌNNIA** e **SU PORTALITU DE SA LÌNGUA SARDA** de sa Provincia de Casteddu, impari a is sòtzius “**Casa Cossu**”-Cuartùciu“, **Sa Domu ‘e su Cantu**”- Sinnia, “**Su Framentu**” – Quartu Sant’Aleni

a sa setzioni:

**O Mutetus a duus peis**

**O Mutetu longu**

**O A totu e is duas setzionis**

e de ponni a menti in totu po totu su regulamentu de sa gara.

Firma e data.....